

ზემო სვანეთის ზეგავსაშიშროება

სიჭინავა მარიამი

ელ-ფოსტა: mariami.sichinava385@ens.tsu.edu.ge

გეოგრაფიის დეპარტამენტი

ივანე ჯავახიშვილის სახელობის თბილისის სახელმწიფო უნივერსიტეტი

საქართველო, თბილისი, 0179, ი. ჭავჭავაძის გამზ. 3

ნაშრომში წარმოდგენილია საქართველოში ზეგავების შესწავლის მოკლე ისტორია. განხილულია ზემო სვანეთის რელიეფი, კლიმატური პირობები და მცენარეული საფარი. განხილულია ზეგავსაწინააღმდეგო აქტიური და პასიური ღონისძიებები, რომელთაგან განსაკუთრებული ყურადღება, სტიქიისგან თუ ანთროპოგენური მოქმედების შედეგად განადგურებული ტყის საფარის აღდგენასა და არსებული ტყის მასივის შენარჩუნებას ენიჭება.

თოვლის ზეგავი ბუნების მრისხანე მოვლენაა, რომელიც დიდ ზიანს აყენებს მთის მოსახლეობას და ქვეყნის ეკონომიკას. საქართველოს ტერიტორიის 56 % ზეგავსაშიშროებაში მდებარეობს და ამდენად ამ მოვლენის შესწავლა, ბუნებრივი კომპონენტების ძირითადი ელემენტების მთელი კომპლექსების ღრმა ანალიზი, საშუალებას იძლევა განვსაზღვროთ ზეგავების წარმოქმნის, რეჟიმისა და გავრცელების თავისებურებანი და შევაფასოთ მთიანი რაიონების ზეგავსაშიშროების ხარისხი.

ზემო სვანეთი, სადაც 135 სოფლიდან 61-ს ზეგავები ემუქრება, ერთ-ერთი უაღრესად საინტერესო მაღალმთიან რაიონს წარმოადგენს, გამოირჩევა საბადოების სიუხვით, ხე-ტყით, წყალუხვი მდინარეებით, მთის ანკარა წყაროებითა და მინერალური წყლებით, მატერიალურ-კულტურული უნიკალური ძეგლებით, ციხე-კოშკებით. ყოველივე ეს შესანიშნავ პირობას ქმნის ტურისტული ინდუსტრიის და ასევე სამთო-სათხილამურო სპორტის განვითარებისთვის. ნაშრომში წარმოდგენილია საქართველოში ზეგავების შესწავლის მოკლე ისტორია. განხილულია მისი გადაჭრის გზები.